

দুরত্ব।

অনেক দূরে সরে যাচ্ছ অরূপ!

আস্তে আস্তে ঝাপসা হয়ে যাচ্ছ,
দুরত্ব বেড়েই চলেছে, কাছে টানার বৃথাই চেষ্টা।
হৃদয়ে ডুব দিয়ে দেখি তুমি নেই,
নিলয়ের দরজা খুলে কখন যে বেরিয়ে গেছ।

বিন্দু বিন্দু ভালোবাসা দিয়ে তোমায়,
অতি যত্নে রেখেছিলাম হৃদয়ের মণিকোঠায়,
সব তুচ্ছ করে চলে গেলে ধীর পায়ে।
কার ভুল, কোথায় ভুল কিছুই জানালে না।
পিছন ফিরে একবারও তাকালে না।

অভিমান, ঘৃণা, ব্যক্তিত্ব আর অহংবোধ মিলে
যে দেয়াল তৈরী হচ্ছে, তা ভাঙ্গা সহজসাধ্য নয়।

ভালো থেকে, আশীর্বাদ রইল।

সুমি রহমান

১০ই ডিসেম্বর ২০০৩।